



D. O. M.

DE ANI IMPERFORATIONE

THESES

ANATOMICO-CHIRURGICÆ.



INTER varios quibuscum nasci solet febilis infantia partium defectus, nullum fortè reperias Ani obturatione periculosiorem. Quamdiu fœtus materno degit in utero, secretum in ore, ventriculo, & intestinis mœconium, ad ultimum *recti* terminum lenissimo congeritur affluxu; sed recens nato innumera, si foràs egeri nequeat, cudere solet incommoda; vitamque miser infans morte non dubiâ venalem exhaustit. Præter mœconium enim alvinæ fœces, nutrimentorum reliquiæ, quibus alitur statim atque natus est, concumulatæ, foræ, & loci calore putridæ, ita omnem intestinorum fistulam replent, instantque, utrorum quam latè patet, abdomen immane turgescat, unde

I

coarctatis in angustum respirationis organis, omnes omnino functiones in infantulo conturbantur. Hinc, veluti gravidâ de nube grando, tussis videas & singultus ingruere, tormina, cum vomitibus nauseas, clamores, partes insolenti punctas acredine convelli, sternutamenta, fletus, pervigilia, febres, maciem, quibus præter mortem nullum natura finem impositura sit, nisi præsentius afferat Chirurgicas artes benè docta manus auxilium. Quales ergò mali species sint, quæ causæ, quantum in nobis erit, qualia symptomata, quæ prognosis, qui tandem in eo curando modus, pro speciebus habendus hîc evolvere fert animus, postquam tamèn ea pro more solito describerimus Anatomicè, quæ ad noscendam morbi sedem certiora esse judicantur.

EX ANATOMIA.

Anus finis est intestini recti, quo fæces alvi foràs amandantur. Ibi annotantur cutis, pinguedo, muscoli, vasa, & ipsius intestini extremitas. Cutis utcumque firma, pluribus cryptis cutaneis instruitur, & sebum in eâ parte non paucum excerni consuevit. Multâ quoque pinguedine cingitur Anus, ut in fæcum ejectione facilius dilatari queat. Jam verò tres, ut plurimum, musculos ad Anum pertinentes agnoscunt Anatomici. Quorum princeps *Ani sphincter* audit, duo verò alii *Ani levatores* vocantur.

Ex imâ ossis coccygis parte, & cute huic subjectâ sphincter originem ducit; cujusquidem fibræ à se invicem discedentes Anum utrinque ambiunt, indèque ascendentes anteriùs, musculis acceleratoribus urethræ bulbum investientibus, versùs infimam bulbi hujus partem, in viris inseruntur; in fæminis verò, versùs imam vaginæ portionem affiguntur. Intereà notandum est non paucas hujusce musculi fibras ab interiori & inferiori pubium parte, propè syncondrosin utrinque descendere, & figurâ quasi ovatâ extremum recti ambire, atque constringere. Musculum hunc celeberrimus Albinus in internum & externum distinguit, notatque Heisterus circulares aut annulares fibras, quæ vulgò sphincteri adscribuntur, vix, aut paucas observari.

LEVATORES duo, sunt expansiones quædam musculosæ, tenues, latæ, fundum abdominis constituentes.

Ab internâ pubium parte, tunicâ obturatoris interni, in-

ternâ ossis ilei facie, & acuto processu ischii utrinque nascuntur. Horum-ce musculorum fibræ, radiorum instar, à peripheriâ ad centrum pergunt versûs sphincterem, atque in eâ parte intestini recti quæ postica est, coeunt, ipsum intestinum cingunt, collumque vesicæ, prostates & vesiculas seminales in viris, in fœminis verò vaginam uteri simul includunt. Indè ad supremam posticamque sphincteris partem, partim ascendunt; cum sphincteris ovatis annularibusque fibris partim proprias fibras confundunt.

PUDENDA communis arteria, arteriam hæmorrhoidalem præbet, quæ sanguinem Ano profundit. Excipit hunc, vena hæmorrhoidalis externa ipsumque in hypogastricas, sive iliacas internas fundit. Parti nervos ministrant plexus hypogastrici per utrumque utriusque nervi intercostalis ganglium.

EX CHIRURGIA.

Sic sese habet naturalis Ani fabrica, ut residuum ingestorum liberè demittat, possitque deinceps mediantibus musculis, constringi & elevari. Ubi ergò foramen illud contrà naturam occluditur, mirum non est quòd sævissima quæque mala indè consequantur. Porro sæpissimè accidit ut recens nati id vitii genus patiantur, quo mæconium & fæces maturo tempore dejici non possint, quia Anus clauditur. Tales verò vocantur vulgò *imperforati*, sive *atreti*, gallicè *imperforés*, vitiumque istud *Ani imperforatio*.

JAM verò non iisdem eodem modo Anus obturatur. Plerumquè contingit, ut membranâ præter naturali coërceantur intùs infantis excrementa, membrana que illa diversa esse potest tum crassitudine, tum situ, prout nempè altiùs demissiùsvè in intestino recto collocatur. Neque rarò videas hujusmodi fœtus editos, in quibus pars quædam ipsius intestini recti, vel maxima desit; aliàsque, id quod frequenter observant, intestini loco, tendineus quasi quidam Cylindrus apparet, remanente quolibetcumque Ani vestigio (a). Quandoque etiam intestinum in duas partes dividitur, & utrumque extremum impervium est, quemadmodum refert celeberrimus Littre (b). Major ubi deest omninò intestini recti portio, nullum datur Ani vestigium, nulli sphincteres elevatores nulli. Quandoque

(a) M. Levret, Art des Accouchemens, p. 234.

(b) Académie des Sciences 1710, Hist. p. 47.

4

quod de intestino superest, in vesicam apud masculos, & in uteri vaginam in sequiori sexu hiare animadvertitur.

PRÆTER autem illas quas hîc memoramus imperforationis species & differentias, non defuerunt autores qui diversam aliam admiserint, in quâ intestini membranæ interiores secum invicem coalescere existimant; unde vitium istud *coalescentiam* vocant, & in adultis locum habere autumant. Verùm *Dionisius* (a) & alii scriptores, morbum hunc fieri non posse arbitrantur. Nec immeritò sanè, cum excrementorum solita dejectio, frequentioresque, quas assiduè crearent mali causæ, evacuationes, coalescentiam prorsus impedirent, perpetuè deleterent.

CÆTERUM morbi diagnosi non admodum difficilis censetur. Ubi natus est infans, mœconium solet exire sponte propriâ, si non statim, paucissimis saltem post nativitatem horis; tuncque clarè noscitur intestinum rectum ritè perforari. Non attramen illud impedire debet quominus exploretur, an omnes excretionum viæ liberæ sint in infante. Quod si per incuriam Ani occlusio prætermisâ fuisset, secundo, tertio, quarto vè à nativitate die oriri solent accidentia, quæ à retento mœconio nasci consuevère; undè res clariùs innotescit. Liquor in abdomine contentus sensim accumulatus, perpetuè ad-auctus, per moram & calorem mirum in modum acescit vel putrescit, tum in tenues resolutus moleculas per universam intestinorum fistulam sese expandit, unde atrocissimi dolores in intestinis misellum infantem excruciare incipiunt. Vomitus indè enormes & singultus, quos universæ omnium ferè partium convulsiones comitantur; tussis etiam & sternutationes crebræ, clamores perpetui, fletus & pervigilia, terrores, febris, præsentissimam mortem nuntiantes, attentum minime fallent Chirurgum. Inspecto igitur Ano, res facillimè detegitur. Attramen si, quod aliquoties contigit, membrana rectum occludens altiùs in intestino cohæreat, diagnosi incertior evadit; sed injecto in Anum, tunc apertum apparentem, clysmate, vel immisso digito, stilove quolibet crassiori, membrana faciliùs deprehendetur.

Quod ad prognosin attinet, etsi gravissima quæque mala minatur quælibet Ani imperforatio, non idem tamen ubique discrimen adesse dixeris. Ubinamque membrana tenuis fora-

(a) *Dionis* Trait. gén. des Accouchemens, C. VI. pag. 383.

5

mien præcludit, sive extûs sive intûs, modò illam Chirurgus possit attingere, & instrumento secare, nihil omninò periculi est; peractâ operatione, retenta excrementa facillimè prodibunt, sospesque infans protinùs exiturus est. Si membranâ Anus obtureretur crassiori, non ideò plus metuendum est, cum instrumento acutiori æquè dividi queat. At verò cum portio quædam intestini recti, vel cum ipsum intestinum totum deficit, nullam prorsus spem fore pater, ut ars naturæ suppleat. Ideòque misello certò moriendum est, quemadmodum asserit cum cæteris scriptoribus M. Levret (a). Judicium fermè idem non immeritò de illâ obturationis specie tuleris, in quâ canalis loco, tendineus tantùm apparet Cylindrus, cum in illo casu intestini cavitas ad Anum usquè rarò protendatur. Ubi quoque in vesicam vel in vaginam aperitur intestinum, nullam potest Chirurgus medelam promittere. Superesse quidem poterit infans, si fæmina sit, mari autem certa mors instat, quemadmodum exempla minimè falsa testantur (b).

In quâcumque Ani occlusionē generaliter indicatum demonstrat Therapeia, primùm retentis excrementis exitum præbere, deindè efficere, ut via pateat usquè, ad usus naturales opportuna: atqui varia sunt, pro vario occlusionis genere, media, quibus exitus ille parandus est. Illud quidem primùm sedulò tenendum est, quod semper, quantum fieri potest, in eâ parte secandum sit, ubi Anus ex naturæ instituto esse debuerat. Hoc verò deindè præsentissimum menti habere Chirurgus debet, ut operationem quàm tutissimè poterit, instituat, ac perficiat.

PRIMUM igitur ubi membrana circà Ani principium hæret, lanceolâ per tæniolam firmatâ, ibi discindendum est, ubi pellucens mæconium dissecare jubet. Illa porrò incisio variè à variis perficitur: longitudinalem simplicem alii (c), crucialem alii præferunt (d), circularem, quâ in omni ambitu membrana scinditur, jubet M. Levret (e). Omnes illæ utiles; at in singulis obturationum speciebus plûs minusvè congruunt. Simplex quidem & recta sufficit, ubi membrana claudens Anum te-

(a) L'Art des Accouchemens. §. 1275. pag. 216.

(b) Van-swieten, tom. 4, p. 577.

(c) Ut feliciter tentavit in binis infantibus Lamotte, Traité des Accouchés, Liv. 1. Obs. 86. pag. 129.

(d) Heisterus, tom. 2.

(e) L'Art des Accouchés.

nuissima vix resistit, illam feliciter tentavit in binis infantibus Celeberrimus *Lamotte*. Sufficit etiam ubi in altiori loco adhæret intestini recti; tunc autem pharyngotomo secatur, ita ut immisso in Anum digito, apertura facta dilatariqueat (a). In eodem priore casu evidenter patet crucialem incisionem, sicut & integram membranæ per circularem ablationem æquè proficere, Chirurgum que ad arbitrium agere posse.

QUANDO autem membrana spissior est, quàm ut ab erumpentibus fœcibus satis diffringi queat, tunc crucialis, vel circularis abscisio sola jure celebranda videtur.

Si tendineus solum modò funiculus offendatur, intestinum vè omninò desit, nullo vestigio Ani apparente, res momentosa, loci que ad operationem difficilis determinatio. Ne vergas nimium versùs coccyndicem: Anus namque in recèns natis remotior est à coxâ, quàm in adultis. Musculi sphincteris circumferentia investiganda est: per resistentiam restis cujusdam duritiei similem cognoscitur. Medium transfigas. Hæc erit instrumenti forma, operationisque methodus, utraque à Clarissimo nostro *Petito* excogitata. * Instrumentum, clavus triangularis. Aliis est brevior & crassior, facies & anguli longiores desinunt in cuspidem acutiorem. Cannulam habet quindecim aut circiter lineis longam, ex utrâque laterali parte fissam, terminatamque alâ in diametro suo scissâ à centro usquè ad duas circumferentiæ lineas. Omnibus ad operationem præmissis, clavus triangularis in medium sphincteris jam designatum immittitur, rectum adit; si datur vacuum in extremitate, tunc extrahendus est stilus, cannulaque in intestino servanda: unde stercus fluens operationem ritè confectam esse, demonstrabit. Apertura lanceolâ per cannulæ rimam immissâ, hinc & indè amplianda est, quo peracto extrahitur rubulus, mæconioque jam facillimus exitus comparatur.

ANCEPS sanè dubiumque maximè est illud operationis genus, nec casus illi qui in Academiâ Chirurgicâ habentur, ad explorandos hujus operationis successus, felicem eventum habuerunt. Multò tamen minus ab operatione sperandum est, ubi rectum intestinum in duas partes dividitur, divisumque clauditur; præter quàm quòd enim tale malum non nisi post mortem cognosci posse certum est, evidenter patet, ait Clarissimus

(a) *M. Petit*, Acad. Chirurg. T. I. p. 385.

* Acad. de Chirurg. to. I. p. 377.

7

Vanswieten, * illud licet cognitum foret, vix ullam emendationis spem superesse. Quis enim, inquit, auderet abdomen vivi infantis aperire, extrema intestini quærere, inventa aperire, aperta sibi mutuo unire, vel saltem extremum superius intestini, apertum prius, vulneri abdominis unire sic, ut Anus artificialis in loco vulneris per totam vitam maneret? esto igitur Chirurgo satis ea distinguere quæ per artem emendari nullatenus possunt, modò in iis quæ medelam requirunt suscipiunt que, ratione ductus, celebriorumque monitis & exemplis firmus, singula noverit applicare, quorum deinceps adhibitorum non possit ipsum pœnitere.

POSTQUAM priori indicationi satis factum est, turundas siccas alii, alii suppurante quodam inunctas medicamine (a) ad mali prophylaxim adhibere consueverunt; verùm cum Celeberrimo *Lamotte*, & M. *Levret* talia & nos media procul abjicimus; quippè quæ longè nocentiora quàm utilia simul arbitramur. Frequentes, quibus obnoxii sunt infantuli, alvi dejectiones, potenter impediunt quominus unquam in posterum Anus occludatur.

* *Commentaria Vanswieten*, t. 4. p. 577.

(a) *Palfin Anatom. Chirurgicale*, tom. 2, p. 85.

Has Theses, DEO JUVANTE, & Præside M. FRANCISCO GUILLELMO LEVACHER, Artium Liberalium & Chirurgiæ Magistro, Academiae Chirurgiæ Socio, necnon Scholarum Chirurgiæ Practicarum Directore, tueri conabitur, HENRICUS LUDOVICUS FRANCISCUS DIDIER, Parisinus, Artium Liberalium, in almâ universitate Parisensi, Magister; necnon nuper exercituum castrorumque primarii Chirurgi Coadjutor, *Theses Autor*.

P A R I S I I S,
IN REGIIS CHIRURGORUM SCHOLIS,
*Die Sabbati 14^a, Septembris à sesqui-secundâ post meridiem
ad septimam, Anno R. S. H. 1765.*
P R O A C T U P U B L I C O
E T
M A G I S T E R I I L A U R E A.

Typis P. AL. LE PRIEUR, Regii Chirurg. Collegii
Typographi.

THE
JOURNAL
OF
THE
AMERICAN
MEDICAL
ASSOCIATION
PUBLISHED
WEEKLY
CHICAGO, ILL.
1914

Vol. 11, No. 1
JANUARY 1914
PUBLISHED BY THE
AMERICAN MEDICAL ASSOCIATION
535 N. Dearborn St., Chicago, Ill.
Subscription price, \$5.00 per annum in advance.
Single copies, 15 cents.
Entered as Second-Class Matter, June 26, 1902.
Postage paid at Chicago, Ill., and at additional mailing offices.
Acceptance for mailing at special rate of postage provided for in Act of October 3, 1917.
Copyright, 1914, by American Medical Association